



Här Fernand Etgen
President vun der Chamber

Lëtzebuerg, de 4. Mee 2022

Här President,

Esou wéi et am Artikel 80 vum Chambersreglement virgesinn ass, géing ech Iech bieden, dës parlamentaresch Fro un d'Madamm Gesondheetsministesch weiderzeleeden.

D' Croix-Rouge huet rezent en Opruff gemaach, fir nei Blutspender ze rekrutéieren. Wéi aus dem Schreiwes ervirgeet, feelt et am Moment wéinst de Schoulvakanzen a wéinst de ville Feierdeeg un Blutkonserven.

An dësem Kontext géing ech gär folgend Froen un d'Madamm Gesondheetsministesch stellen:

- Sinn aktuell genuch Blutkonserven do, fir d'Besoine hei am Land ze decken?
- Ass d'Versuergung mat Blutkonserven laangfristeg gesechert oder gin et Enkpäss?
- Ass d'Versuergung fir all Blutgruppen garantéiert?
- Hat d'Pandemie Auswierkungen op d'Zuel vun de Blutspender?
- Wa jo, wéi gesäit d'Entwécklung an den zwee leschte Joren aus?

Här President, ech bieden Iech mäin déifste Respekt unzehuelen.

Martine Hansen
Deputéiert

Max Hengel
Deputéierten



Äntwert vun der Madamm Gesondheetsministesch op d'parlamentaresch Fro n° 6139 vum 4. Mee 2022 vun der honorabeler Deputéierter Madamm Martine Hansen an vum honorabelen Deputéierten Här Max Hengel.

Sinn aktuell genuch Bluttkonserven do, fir d'Besoine hei am Land ze decken?

Den Stock un Bluttkonserven ass aktuell relativ déif. Bis haut konnt awer duerch d'Appeller vun der Croix-Rouge an de Medien an duerch den Courier d'alerte deen un Donneuren geschéckt gouf, d'Autosuffisance hei am Land garantéiert ginn.

Ass d'Versuerung mat Bluttkonserven laangfristeg gesechert oder gin et Enkpäss?

Et ass net méiglech viraus ze gesinn, ob et zu Enkpäss kënt oder net. D'Situatioun gëtt all Dag vum Blut-Transfusiounszenter évaluéiert an d'Indicateuren vun der Kollekte an der Distributioun un d'Spideeler ginn ganz enk suivéiert.

Ass d'Versuerung fir all Blutgruppen garantéiert?

Fir den Ament ass d'Versuerung fir all Blutgrupp garantéiert. Et kënt heiandsdo dozou dass en aneren Phénotype muss vum Transfusiounszenter un en Spidol geliiwert ginn. Dëst ass ofhängeg vum Alter a vum Geschlecht vum Patient, mee ass eng gängeg Praxis um Niveau vun der Transfusiounsmedezin.

Hat d'Pandemie Auswierkungen op d'Zuel vun de Blutspender?


D'Zuel vun de Blutspender ass konstant. Vu datt d'Critèrenallerdénge virgesinn dass no enger Infektioun mam Coïvd-19 eng Persoun 4 Wochen keen Blut spenden dierf konnten an deenen lëschten Méint vill Blutspender net esou wéi virgesinn am normalen Rythmus hier Blutspend réaliséieren.

Wa jo, wéi gesäit d'Entwécklung an den zwee leschte Joren aus?

D'Unzuel un Blutspender ass an deenen leschten 10 Joer stabil an huet zënter 2011 em 2,0% zougeholl. D'Zuel vun den Donneuren fir Aphérèse ass téschent 2011 an 2019 konstant gefall (-30,4%), mee ass zënter 2019 (+28,9%) an 2020 (+12,3%) nees um klammen.



Den folgenden Grafik schlüsselt d'Evolution vum den Donneuren tëschent 2011 an 2021 op:



Lëtzebuerg, den 23. Mee 2022

D'Gesondheitsministesch

(s.) Paulette Lenert